



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Episcopatus de littera E. cap. XLI.

urn:nbn:de:hbz:466:1-38372

co, Cardinalis creatus à Pio. III. qui pi-
 la in armis gestabat.
 Axis in medietate signi. Sixtus. V. qui axem in medio Leonis in ar-
 mis gestat.
 De rore cœli. Urbanus. VII. qui fuit Archiepiscopus Ros-
 fanensis in Calabria, ubi mîna colligitur.
 Ex antiquitate Urbis. Gregorius. XIII.
 Piacuitas in bello. Innocentius. IX.
 Crux Romulea. Clemens. VIII.
 Vndosus uir. Pastor & nauis.
 Gens peruersa. Animal rurale. Flos florum.
 In tribulatione pacis. Rosa Umbriæ. De medietate lunæ.
 Lilium & rosa. Vrsus uelox. De labore solis.
 Iucunditas crucis. Peregrin⁹ apostolic⁹. Gloria oliuæ.
 Montium custos. Aquila rapax. In psecutione. extre-
 Sydus odorum. Canis & coluber. ma S.R.E. sedebit.
 De flumine magno. Vir religiosus. Petrus Romanus, qui
 Bellua insatiabilis. De balneis Ethruriæ. pascet oves in mul-
 Pœnitentia gloriosa. Crux de cruce. tis tribulationibus:
 Rastrum in porta. Lumen in cœlo. quibus transactis ci-
 Flores circumdati. Ignis ardens. uitas septicollis di-
 De bona religione. Religio depopulata. ruetur, & Iudex tre-
 Miles in bello. Fides intrepida. mēdus iudicabit po-
 Columna excelsa. Pastor angelicus. pulum suum. Finis.
 Quæ ad Pontifices adiecta, non sunt ipsius Malachiæ, sed R.P.F.
 Alphonsi Giaconis, Ord. Prædicatorū, huius Prophetiæ interpretis.

Episcopatus de littera E.

Cap. XLI.

Elienses in Anglia, sub Cantuariensi Archiepiscopo.

D. 8 **I** OANNES, Anglus, monachus, & Abbas Mona-
 sterii de fontibus in Anglia, uir simplex & iu-
 stus, ac recedēs à malo, Episcopus in locum Eus-
 tachi creatus & consecratus, anno 1220. die
 8. Mensis Martii, in Dominica Letare; & cum
 annis quinque optimè præsuisset, obiit anno
 1225. Mense Iunio. *Matthæus Vuestm. ad annos citatos.*
 10 Beatus Hugo, Anglus, monachus & Abbas cœnobii S. Edmun-
 V 4 di, me-

di, mediate Ioanni succedens, creatus est, Galfrido de Burgo Episcopo defuncto, anno 1228, sed non nisi anno sequenti die 4. Idus Iunii, ab Henrico de Sanford Episcopo Roffensi, consecrationis munus accepit. Præfuit autem utrique Ecclesiæ in omni sanctitate annis 40. Monasterio, uidelicet annis 14. deinde Episcopatu annis 26. & omni uirtutum genere decoratus obiit anno 1254. die quinto Idus Augusti, & in ecclesia sua Eliensi sepultus est. *Matthæus Vuestm. ad annos 1228. & 1254.*

13 D.H. Prior, & monachus Monasterii Eliensis, anno 1298. a maiori parte capituli electus, & ab Archiepiscopo Cantuariensi confirmatus est: sed cum à nonnullis aliis Ioannes de Langtona Regis Cellarius, creatus fuisset, causa coram Summo Pontifice agitata, & examinata; motus Papa de improbitate partium, Episcopum Noruicensem ad ecclesiam Eliensem transtulit, & hunc Priorem Eliensem in Prælatum Noruicensem consecrauit. *Matthæus anno 1298.*

15 D.H. Prior, & monachus Eliensis, à Capitulo anno 1301. electus, sed ab Archiepiscopo Cantuariensi reprobatus, ad sedem Apostolicam profectus est: quo cum peruenisset, & ordine suæ ordinationis discusso, electio eius confirmata & approbata est. In Angliam igitur reuersus, Episcopus consecratus, & aliquot annis digne conuersatus, obiit. *Matthæus Vuestm. ad annum 1301.*

D. Simon de Langham, Anglus, monachus & Abbas Vuestmonasteriensis, anno 1361. Episcopus Eliensis creatus, paulo post anno 1366. ad Ecclesiam Cantuariensem translatus, biennio uix elapso excrescentibus meritis ab Urbano PP. V. in collegium Cardinalium ascitus, anno 1376. diem obiit, undecimo cal. Augusti. *Thomas Vualsingham in historia breui ad annos præfatos.*

Erfordenses in Germania, sub Moguntino Archiepiscopo.

1 S. ADELARIVS, Anglus, monachus Monasterii Muschellæ in Anglia, & S. Bonifacii Archiepiscopi discipulus, ab eodem primus & ultimus Erfordensis in Thuringia Episcopus consecratus, post multos in euāgelica messe perpeßos labores, una cum magistro suo, & aliis pluribus monachis, in Frisia martyrii coronam accepit, anno 755. die quinto Iunii: postmodum ad sedem suam translatus duodecimo calendas Maii. *Trittemius, lib. 4. cap. 183. & Petrus Crætepolius de Episcopis Germaniæ.*

Eugubini in Ducatu Spoletano.

S. Rodolphus monachus Monasterii S. Andreae, quod post S. Cræci s titulum gessit, congregationis Columbæ, & Sancti Petri Damiani

ni discipulus, ob eximiam sanctitatem Eugubinus episcopus factus, miraculis clatus obiit, die 26. Iunii. Floruit anno Domini 1070.

S. Petrus Damianus in eius uita, tomo 7. Surij.

D. MARCVS, monachus Monasterii S. Crucis de Auellana, Congregationis Columbæ, & Episcopus Eugubinus.

D. Ioannes de Laude, eiusdem Monasterii monachus, necnon & eiusdem quoque ciuitatis Episcopus. *Augustinus Flor. in hist. Camald. parte 2. lib. 5. cap. 16.*

Episcopatus de littera F.

Cap. XLII.

Fanenses in Marchia Anconitana in Patrimonio Petri.



IOANNES Baptista Bertuzulus, Cæsenas, monachus, & Prior S. Mariæ de Monte, Congregationis Casinensis, alias S. Iustinae de Padua, ob morum grauitatem & sapientiæ doctrinam Episcopus Fani renūciatus, munus suum strenuè obiit. Obiit his nostris temporibus. *D. Angelus à Carpenedulo eiusdem canobij Decanus, in quadam epistola ad me transmissa.*

Firmani, in Marchia Anconitana.

D. PHILIPPVS, monachus S. Crucis de Auellana, Congregationis Columbæ, Episcopus Firmanus. *Aug. Flor. part. 2. lib. 5. c. 16.*

Florenses, siue Sancti Flori in Aruernia, sub Bituricensi Archiepiscopo.

2 D. HENRICVS Fialtreus, monachus Cluniacensis, & Procurator in curia Romana, deinde illius Monasterii Abbas 29. creatus anno 1308. quod rexit annis undecim, translatus ad sedem S. Flori anno 1319. præfuit Episcopatu annis. 10. Obiit autem die 4. calendas Februarii, in ecclesia S. Flori sepultus, anno 1330.

Chron. Cluniacense, & Demochares de sacrif. missæ, tomo 2. cap. 25. & Franc. Belforest. in Cosm. sua, in descriptione Aruernia.

3 D. Archimbaldus, monachus Monasterii S. Flori, in Episcopu eiusdem ciuitatis assumptus est anno 1330. Hic instituit collegium Beatæ Mariæ in S. Floro. Obiit circa annum Domini 1340.

4 D. Deodatus de Canilhaco, monachus S. Flori, natione Antisiodorensis, Episcopus S. Flori, deinde Attrebatensis, postremo. S. R. E. Presbyter Card. anno 1343. renunciatus; obiit Auinione 1373. sepultus ibidem apud Franciscanos.

D. Pe-